

DANIĒLI

Danieli gōna Babilōnu kína iba ũ

¹ Yudanɔ́ kí Yoyakimu kíblena wè aagōdee guu, Babilōnu kí Nebukanεza mò à Yerusalemu kagura kè.

² Ben Dii kí Yoyakimu nàne à ɔzĩ kōn Luda kpé pókencɔ́, ben à tào Babilōnia bùsun à kàe a tākpe auzikikaεkiin.

³ Ben kína pì bè a begwari Asapenazanε à mó kōn Isaraili gōkparε kè aō kuu kí ke gbāade borii ũunɔ́,

⁴ gō maa seesai kè aō ɔndɔ́ kà wà yā píngi dada wàgō wéεzēε vīnɔ́, gbē kè aō yā dōrɔ́ dō kpakpaa bensō aō goni kà wà zīi ke kíbεenɔ́. Gwàri pì bé éé Babilōnia yā dadañne kōn à kyóo.

⁵ Kína diε kè wà póblee kè eè ble lán guu e dɔ́ nà líñne kōn wēε kè eè miio, wà yā dadañne ai wè aagō, beee gbera aōé zīi keare.

⁶ Yuda kenɔ́ kú n̄ té, Danieli kōn Ananiao kōn Misailio kōn Azariao.

⁷ Gwàri pì n̄ tó liéñne. À tó kpà Danieline Betesaza, Anania sō Sadaraka, Misaili sō Mesaki, Azaria sō Abedinego.

⁸ Danieli zèo a swèn kè é kína pò ble kesō à à wēε mi à gbāsī léro, ben à zé wète begwari pìà le à póblee pì tó gwe.

⁹ Ludaa tò begwari pì gbēkkeε kè Danieline à à wēnda gwà,

¹⁰ mɔde à bène: Má a dii kína vīa vī, zaake àpi bé à a póblee kōn íminao diε. Tó à n e pɔsiaa guu de n sáa daanɔ́la sō né? Né tó yā pì wí ma musu kína aε.

11 Gwàri pì dākpari diè à làakari gō kú Danielia kōn Ananiao kōn Misailio kōn Azariaoa, ben Danieli bène:

12 Ñ wamowa n zòblerinɔ yō ñ gwa ai gurɔ kuri. Nèègae dò lá atēē kpáawa kōn ío ado

13 ñ wa lékōzi kōn gōkpare kè aōe póbble dōnkō blee kōn kínaonɔ, né gbasà ñ kewe lán ñ yezi nà.

14 À wèñne yā beeezi, ben à kèñne le ai gurɔ kuri.

15 Kè gurɔ kuri pì pàpa, à n gwá, ben à è aō aafia vī aō mèkpana de gōkpare kpaaa kè aōe póbble dōnkō blee kōn kínaonɔla.

16 Ben aō dākpari pì e kína póbble kōn à wēeo kpámma doro, séde dò lá pāa.

17 Luda gōkpare gōon siigōo pìnɔ gbà dōna kōn wéezēeo. Aō takada yáasi dō, ben aō laasuu vī n pínghi. Danieli sō wéegupu'ena kōn nana bōkōtenao dō.

18 Kè wè aagōo kè kí Nebukanēza diè wà yā dada gōkpare pìnne lé kà, ben begwari pì gàányo à kiia.

19 Kè kína fàadi bònnyo, ben à è kè aō gbē kee sēnkpe kōn Danieliōro kōn Ananiao kōn Misailio kōn Azariao, ben aō gō à ìbanɔ ũ.

20 Kína n lála òndō kōn dōnao yā musu pínghi, ben à è aō de māsokerinɔ kōn wéezēri kè aō kú a būsu guunɔla pínghi leo kuri.

21 Danieli kú gwe ai Sirusu kíblena wè káaku guu.

2

Nebukanēza nana'ona anduna kpatanɔ yā musu

1 Nebukanēza kíblena wè plaadee guu à nanaanɔ ò. Nanaa pì yā à kù gbāa, eé fō à ii òro.

² Ben à bè wà màsokerinɔ kɔn asidɔrinɔ kɔn ɛzɛdeenɔ kɔn sɔsɔneyɔdɔrinɔ sɪsi le aɔ nanaa pì bɔkɔtare. Kè aɔ mò à aɛ,

³ à bènnɛ: Ma nanaa ò, nanaa pì ma kù gbãa. Má yezi mà nanaa pì asii dɔ.

⁴ Ben aɔ bènnɛ kɔn Siria yão: Wà n dɔ aafiao, Zaaki! Ñ nanaa pì yã o wamɔwa n zòblerinɔnɛ, wé à bɔkɔtennɛ.

⁵ Kína bènnɛ: Yã kè ma zɛo mà keareen yè. Tó ée nanaa pì kɔn à bɔkɔtenao omɛro, weé a zɔzɔkɔrɛ wà a uanɔ ke tuburaa ũ.

⁶ Tó a nanaa pì kɔn à bɔkɔtenao tɔkèmmɛ sɔ, mé a kpe da maamaa, é gbaanɔ e a asaia ũ. À nanaa pì omɛ sa kɔn à bɔkɔtenao.

⁷ Aɔ èara wà bènnɛ dɔ: Kí, ñ nanaa pì o wamɔwa n zòblerinɔnɛ, wé à bɔkɔtennɛ.

⁸ Ben kína bènnɛ: Má dɔ sãnsãn kè ée yã gágaame, kè á yã kè ma zɛo mà kearee dɔ yãnzì.

⁹ Tó ée nanaa pì omɛro, yã mèn doo bé à gɔare. A lé kpàkɔsɔ à egɛɛ tòmɛ kɔn yálekpreɛomɛ ai yã gɔ gá liɛ. À nanaa pì omɛ, mégɔ dɔ kè é fɔ à à bɔkɔtɛ.

¹⁰ Ben aɔ bènnɛ: Kí, gbèkee kú anduna guu kè éé fɔ à yã kè nées gbekaa kèkii bɔkɔtennɛro. Kína kee kuu kè à yã beee taka gbeka màsokerinɔ kɔn asidɔrinɔ kɔn sɔsɔneyɔdɔrinɔaro, baa tó kí ìsi gbãadeemɛ.

¹¹ Kí, yã kè nées gbekaa pì zì'ũ. Gbèke é fɔ à onnɛro, sé Luda, bensɔ à bæɛ kú gu dɔnkɔ kɔn wamɔwa gbèntenɔro.

¹² Yã beee tò kína pètɛ kè à pɔ fè maamaa, à bè wà Babilɔnu ɔndɔrinɔ dede ñ píngi.

¹³ Kè wà ɔndɔrinɔ dedena yã kpàakpa kè, ben wèè Danieli kɔn a gbènnɔ wetɛɛ wà ñ dede.

14 Kè kína dogarinɔ gbēnsi Ariɔki gàa Babilɔnu ɔ̀ndɔ̀rinɔ dɛdɛ, ben Danieli yāzɛdee ònɛ kɔ̀n asānsio

15 à à là à bè: Bóyānzi kína yā pāsī pì diɛzi? Ben Ariɔki yā pì tɔ̀kè Danieline.

16 Ben Danieli gàa à wéɛ kè kínaa à sɔ̀ kɔ̀n gurɔ̀ɔ̀ aɛ féte gbasa à nanaa pì bɔ̀kɔ̀tɛnɛ.

17 Ben à tà bɛ à yā pì tɔ̀kè a gbēnɔ̀nɛ Anania kɔ̀n Misailio kɔ̀n Azariao.

18 À bènnɛ aɔ̀ wéɛ kɛ Luda Musudea à wēnda dɔ̀nnɛ nanaa pì asii yā musu, lɛ wàton n̄ dɛdɛ kɔ̀n Babilɔnu ɔ̀ndɔ̀ri kpaaanɔ̀ro yānzi.

19 Gwāavīn Danieli wéɛgupu è, Luda Musude nanaa pì asii ònɛ, ben Danieli à sáabu kpà à bè:

20 Wàgɔ̀ Luda sáabu kpaa gurɔ̀ píngi, àmbe à ɔ̀ndɔ̀ kɔ̀n gbāaaɔ̀ vī.

21 È gurɔ̀ kɔ̀n à zakao liɛ, è kínano kpá kpatan è n̄ bɔ̀n, è ɔ̀ndɔ̀ da ɔ̀ndɔ̀deenɔ̀nɛ, è dɔ̀na kpá wéɛzērinɔ̀a.

22 È asii yānɔ̀ kɔ̀n yā kè aɔ̀ utenanɔ̀ ɔ̀ɔ̀baínnɛ, à gusia yānɔ̀ dɔ̀, zaakɛ àmbe è guu pu.

23 Ma n sáabu kè ma dezinɔ̀ Luda, ma n tó kpà, zaakɛ n ɔ̀ndɔ̀ kɔ̀n gbāaaɔ̀ kàarame.

N yā kè wá gbèkammaa tɔ̀kèmɛ, n nanaa kè kína ò ò̀ɔ̀awe.

Danieli nana bɔ̀kɔ̀tɛna kínanɛ

24 Ben Danieli gàa Ariɔki kè kína à diɛ à Babilɔnu ɔ̀ndɔ̀rinɔ̀ dɛdɛɛ kiia à bènɛ: N̄ton Babilɔnu ɔ̀ndɔ̀rinɔ̀ dɛdɛro. N̄ gámao kína kiia lɛ mà à nanaa bɔ̀kɔ̀tɛnɛ.

25 Gwe gɔɔ Ariɔki Danieli sè à gàao kína kiia à bène: Ma gbɛ kè eé fɔ à n nanaa bokɔtenne è Yuda zizɔnɔ té.

26 Kína Danieli kè wè bene dɔ Betesaza là à bè: Né fɔ n nanaa kè má ò bokɔteme n à yáasi tɔkẽmɛɔ?

27 Danieli wèala à bè: Ɔndɔri ke asidɔri ke mäsokeri ke sɔsɔneyädɔri ke é fɔ à asiiyá kè n gbèka pì onnero.

28 Mɔde Ludaa kú musu, àmbe è asiiyá oñne. Kí Nebukanɛza, Luda yá kè eé mó ke ziaa òɔanneme. Nanaa kè n ò n gádoa kɔn wéegupu kè n èon yè.

29 Kí, gurɔ kè n daena n gádoa n laasuu tà yá kè eé mó keea. Luda bé è asiiyá ɔɔaáñne, ben à tò n yá kè eé mó kee dɔ.

30 Mapi sɔ, èe ke ma ɔndɔɔ bé à de danɔ pɔla gbasaa Luda asiiyá pì òmero. À òme le n è n à bokɔte mame ngɔ laasuu kè kú n nòse guu dɔ.

31 Kí, n guu gwà ben n pòke taka è n ae lán gbɛntee bà. À bíta èe té kee bensɔ à naasi ví.

32 Pó taka pì mì né vurame atɛɛ, à kùse kɔn à gàsánɔ né kondogi, à gbɛɛɛ kɔn à gisino né mɔgotẽme,

33 à gbánɔ né m̀simɛ, à gbálanɔ né m̀si kɔn gũome.

34 Gurɔ kè née gwa, gbèsi ke gbòro, èe ke gbèke bé à ɔ kèaro, ben à mò à si pó taka pì gbála kè de m̀si kɔn gũo ũunɔa, à n wíwi.

35 Gɔɔgɔɔ m̀si kɔn gũo kɔn m̀gotɛo kɔn kondogio kɔn vurao wíwi, ben à gò lán ése m̀siaa kè kú pówɛegbèkiia bà. À gète kɔn ïao, wèe à gbè e dɔro, ben gbèsi kè si pó taka pì gò kpíi gbèntɛ ũ à anduna pà píngi.

36 Nanaa pìn gwe. Kí, wé à b̀k̀t̃enne sa.

37 Kí, m̀be ḱnan̄ ḱna ũ. Luda Musude n kpa kpatan k̄n̄ ikoo k̄n̄ gb̄aaao k̄n̄ gakuio.

38 À gb̄enteen̄ k̄n̄ ǹb̀s̄ēt̄en̄ k̄n̄ b̄aan̄ n̄n̄ne n ɔ̄z̄ĩ. Guu k̀è āɔ̄ kún p̄ngi n̄éḡɔ̄ de n̄ ḱna ũm̄ε. M̀be m̀i k̀è de vura p̀i ũ.

39 Kpata p̄ande é b̀ n̄ kp̄εε, eé ká n̄ kpata ũro. Beee gb̄era à aaḡɔ̄dee é b̀ à da andunala p̄ngi. Been m̀got̄ē p̀i ũ.

40 Kpata siiḡɔ̄dee é m̀, eéḡɔ̄ gb̄aa lán m̀si bà, zaake m̀si è p̀ p̄ngi wíwi à n̄ tí bom̄ε. Lán m̀si è p̀ wíwi nà, len eé kpata káakup̄n̄ m̀i de à n̄ k̀e dúgudugu le.

41 Lán n̄ à gb̄alan̄ k̄n̄ gb̄an̄en̄ è nà, à guken̄ de g̀ kpatana ũ bens̄ à guken̄ de m̀si ũ, len kpata p̀i éḡ k̄k̄k̄k̄ana le, m̀de m̀si gb̄aaa éḡ kú à guum̄ε, zaake n̄ è m̀si kak̄ana k̄n̄ g̀.

42 Lán gb̄an̄e p̀i guken̄ de m̀si ũ nà bens̄ à guken̄ de g̀ ũ, len kpata p̀i kpadoo éḡ gb̄aa v̄i le, à kpadoo éḡ busana.

43 Lán n̄ m̀si è kak̄ana k̄n̄ g̀ kpatanao nà, len gb̄entee boriin̄ éḡ kú gwe kak̄ana le, m̀de āé k̄ síro lán n̄ è m̀si è k̄ sí k̄n̄ g̀oro nà.

44 Ḱna p̄in̄ guro Luda Musude é kpata k̀è è yāaroo f̄εε. Kpata p̀i m̀dena v̄iro, eé ḡ bori p̄anden̄ p̀ ũ zikiro. Kpata p̀i é kpata káakup̄n̄ p̄in̄ k̀e dúgudugu à n̄ m̀i de, àpi b̀ eéḡ kuu guro p̄ngi.

45 Lán n̄ è nà gb̄esi ke gb̀oro kp̄iiaa, èe k̀e gb̄eke b̀ è ɔ̄ k̀aro, ben à g̀aa à m̀si k̄n̄ m̀got̄ēo k̄n̄ g̀o k̄n̄ kondogio k̄n̄ vuraò w̄iwi, kí, Luda Bítade yā k̀è eé mó k̀e ziaa ò̀b̄ann̄em̄ε. Nanaa p̀i né yāpuraam̄ε, à

bokōtēna náane vī.

⁴⁶ Ben kí Nebukanēza dàe a puua Danieli ae à bèe līne, ben à bè wà saa oa wà tuaetiti kpatane.

⁴⁷ À bè Danieline: A Luda né tãano Ludame, kīnāno diime yāpura. Àmbe è asiyyā bonne gupuraaa, zaake n fō n bowe kōn asii pìo.

⁴⁸ Ben kīna Danieli gbà gbāaa à à gbà póno à gè òla, à à kpà kpatan àgō wée téare Babilōnu bùsuzi, à à diē Babilōnu òndōrinō pīngi gbēnsi ū.

⁴⁹ Danieli wée kè kīnaa, ben à Sadaraka kōn Mesakio kōn Abēdinēgoo diē Babilōnu bùsu gbāadeenō ū. Danieli sō kú kībeme.

3

Gōn aagō zuna m̀date guu

¹ Kí Nebukanēza tãa pì kōn vuraō lán gbēntee bà. À lezī kà gāsāsuu baaagō, à yàasa sō gāsāsuu swēedome. Ben à pèe Dura guzuren Babilōnu bùsun.

² Ben à lékpāsā kè a bùsu gbēnsinōne le aō kō kakōa, kīnāno, lédammarinō, zìkpe gbēnsinō, gbāadeenō, w'uterinō, yākpækērinō, yāgōgōrinō kōn a bùsu kpatablerinō ní pīngi, aō mó pó kè à pì à pèe pì kya ke.

³ Ben bùsu gbēnsi pìnō kō kākōa pó taka pì kyakenazi aō zèze à ae.

⁴ Ben kpàakpakeri bè pariinōne gbāngbān: Bùsu pīngi gbēnō kōn bori pīngio, à yā kè wà diēaree ma.

⁵ Tó a kuru'ò mà kōn kureo kōn googeo kōn kúuo kōn m̀r̀r̀o kōn kōkōp̀nō pīngi, à kúe à donzi ke pó taka kè kí Nebukanēza pì kōn vuraō à pèe pìne.

6 Gbē kè gí kúe à dɔnzi kenenzi, weé adee zu m̀date pāsī guu g̃ɔmɛ.

7 Beee yānzi tó gbēnɔ kɔkɔpɔ pìnɔ ɔ mà, b̀su píngi gbēnɔ ke bori píngin yoo, aṣè kúe wà dɔnzi ke vura pó taka p̀ne.

8 Gurɔ beean sɔsɔneyádɔri kenɔ mò wà Yuda kenɔ káara kè

9 aṣ b̀e kí Nebukanɛzanɛ: Wà n d̃ aafiao Zaaki!

10 Kí, n yā d̃e n b̀e, tó gbēnɔ kɔkɔpɔnɔ ɔ mà, aṣ kúe wà dɔnzi ke pó taka kè n̄ p̀i k̃n vuraɔ p̀ne.

11 N b̀e gbē kè èe kúe à dɔnzi kenɛro, weé adee zu m̀date pāsī guumɛ.

12 T̃, Yuda kenɔ kuu, n n̄ díe Babilɔnu b̀su gbāadeenɔ ũ. Aṣ t̃n Sadaraka, Mesaki k̃n Abedinegoo. Kí, gbē pìnɔ è n yā maro aṣè n t̃anɔ gbāgbāro, bens̃ aṣè dɔnzi ke vura pó taka kè n̄ p̀e p̀nɛro.

13 Ben Nebukanɛza f̃ maamaa à b̀e wà móare k̃n Sadarakao k̃n Mesakio k̃n Abedinegoo. Ben wà mò wà gbē pìnɔ kpàa.

14 Nebukanɛza n̄ lá à b̀e: Sadaraka, Mesaki k̃n Abedinegoo, ée gii ma t̃anɔ gbāgbāzi yāpuran yó? Ée gii dɔnzi ke vura pó taka kè má p̀enɛzin yó?

15 Tó a soru kè à kúe à dɔnzi ke pó taka kè má p̀i p̀ne gurɔ kè a p̃nɔ ɔ mà, eé ke maa, m̀de tó ée dɔnzi kenɛro, weé a zu m̀date pāsī guu g̃ɔmɛ. T̃a kparee bé eé f̃ à a b̃ ma ɔz̃i?

16 Aṣ b̀e: Kí, à zé ṽi wà wa z̃inda b̃ro.

17 Kí, tó wà wa zu m̀date guu, wa Dii kè weè zò d̃zi é f̃ à wa b̃n à wa sí n ɔz̃i.

18 Baa tó èe ke s̃ro, n̄g̃ d̃ kè wé n t̃anɔ gbāgbāro. Wé dɔnzi ke vura pó taka kè n̄ p̀enɛro.

19 Ben Nebukanεza pɔ fɛ̀ pāsīpāsī à uu sìsińzi. À bè wà m̀odate kaara de yā póla leo swεεplaa.

20 Ben à ò a z̀ikpe g̀sagbāa kenɔne aɔ Sadaraka kɔn Mesakio kɔn Abedinegoo yiyyi wà ń zu m̀odate pāsī pì guu.

21 Ben g̀sa pìnɔ ń yíyi kɔn ń pókāsāa kè aɔɔ dananɔ, utanɔ kɔn sòkotonɔ kɔn lawaninɔ pingi, ben aɔ ń sé wà ń zu m̀odate pāsī pì guu.

22 Lán kína yā diε pāsīpāsī nà bensɔ m̀odate pì wà maamaa, ben té puusu g̀sagbāaa kè aɔ ń zún pìnɔ lè à ń déde.

23 G̀ɔn aagɔɔ pìnɔ sɔ aɔ gàa wà sì m̀odate gbāaa pì guu yiyina.

24 Ben kí Nebukanεza kè giri à f̀e à zè, ben à a ibanɔ là à bè: G̀ɔn aagɔn wà zù tén yiyinaroo? Aɔ wèla wà bè: Lemε kí!

25 Ben à bè: À gwa! G̀ɔn siigɔn má è. Aɔɔ porona aɔɔe táa oo té pì guu bensɔ èe pòke wóm̄maro. Aɔ g̀ɔn siigɔdee b̀k̀b̀ba Luda Né keo.

26 Ben à s̀ m̀odate pì lézi à bè: Sadaraka, Mesaki kɔn Abedinegoo, Luda Musude z̀b̀lerinɔ, à b̀e. Ben aɔ b̀e té pìn.

27 B̀usu gb̀ensinɔ kɔn lédammarinɔ kɔn z̀ikpe gb̀ensinɔ kɔn gb̀adeenɔ kɔn kínanɔ k̀k̀ɔńzi aɔ è té pì e f̀ à pòke wóm̄maro. Baa aɔ mìkã e té k̀uro, aɔ utanɔ e yakaro, wèe tésukpe g̀u mańma sero.

28 Ben Nebukanεza bè: Wà Sadaraka kɔn Mesakio kɔn Abedinegoo Luda sáabu kpá! À a malaika z̀ à a z̀b̀leri kè aɔ à náane v̄inɔ mì sì. Aɔ g̀i yā kè má diε kezi aɔ ń z̀inda kpà gaa, le wàton kúe wà donzi ke dii p̀andenɔnero yánzi, sé ń Dii.

29 Beee yánzi yā kè má dien yè. Tó gb̀eke

Sadaraka kōn Mesakio kōn Abedinegoo Luda tó zaaa sì, bùsu píngi gbē ke bori kpareen yoo, weé à zōzōkōre wà à ua ke tuburaa ùme. Zaake dii pānde é fō à gbē mì sí lero.

³⁰ Ben kína Sadaraka kōn Mesakio kōn Abedinegoo gwena kàarañne Babilonu bùsun.

4

Nebukaneza nana'ona lí yā musu

¹ Kí Nebukaneza bé èe yā kè oo gbē píngine, bùsu gbē píngi kōn borii kè kú anduna guu píngio à bè: Àgō kuu kōn aafiao maamaa!

² Má è à kè maa mà dabuyā kōn yābōnsae kè Luda Musude kēmēno oare.

³ À dabuyāno bíta fá! À yābōnsaenno pāsī. À kpata yāana vīro, à kíblena égō kuu guro píngime.

⁴ Mamoma Nebukaneza má kú nmanana guu ma be, ma làakari kpáena,

⁵ ben ma nanaa ò ai vīa ma kū. Kè má daena ma gádo musu yā kè má è kōn laasuu kè má lèo tò swè kèmagu.

⁶ Má diè kè wà mómē kōn Babilonu òndōrinō n píngi aō nanaa pì bōkōteme.

⁷ Kè asidōrinō kōn dabudabukerino kōn sōsōneyādōrinō kōn māsokerino mò, ben ma nanaa pì yā òñne, aōe fō wà à bōkōtemero.

⁸ Zāazāan Danieli kè wà ma tāa tó kpàne, kè wè benē Betesaza mò ma kiia, ben ma nanaa pì òne. À Luda kè kú adona Ninii vī.

⁹ Ma bè: Betesaza, òndōrinō gbēnsi, má dō kè n Luda kè kú adona Ninii vī, asiiyā égō zī'ūnnero. Yā kè má è nanaa guun yè. N à bōkōteme.

10 Pó kè má è ma laasuu guu gurɔɔ kè má daena ma gádo musun yè. Mée guu gwaa ben ma lí è zena tɔɔte gura súusu, à lezĩ maamaa.

11 Lí pì bíta kù à gbà ai à mìsɔntě gàa à zò ludambɛɛa. Wè lí pì e zaa anduna lé zekiinɔa píngi.

12 À lánɔɔ maa, à né ì bíta, à póblee mò gbě píngia. Nòbɔsɛtɛnɔ ɔra è à gbáru, bāanɔ è mó wà z̄z̄z̄ à gānɔa. Pó wèndide píngi è póblee ea.

13 Mée pó pì ee wéegupu guu gurɔɔ kè má daena ma gádoa, ben ma malaika è bɔna ludambɛ.

14 À lé zù gbāngbān à bè: À lí pì z̄ à né à à gānɔ kěɛ. À à lánɔ woro à à bɛɛnɔ fāakɔa. À tó nòbɔnɔ bàa lé wà kěa. À tó bāanɔ bɔɛ à lánɔ guu.

15 Mòde à lí pì kusu kɔn à kāsāanɔ tó tɔɔte guu à m̀si gada kpáne kɔn m̀gotě p̀o s̄ɛ guu gwe. Kpíí é kpáàla, eégɔ kú s̄ɛn gwe kɔn nòbɔnɔ.

16 À mì é likɔa, à laasuu é ḡ lán nòbɔnɔ p̀o bà ai wè swɛɛplaa.

17 Malaikanɔ bé wà yā kè Ludaa diɛ pì ò, à ìba pìnɔ bé wà yā kè Luda zèo kpàakpa kè, le gbě kè aɔɔ kuunɔ e wà d̄ kè Luda Musude bé à iko v̄i gběntee kpatanɔa. È gbě kpá kpatan lán à yezi nà, baa gbě kè kēsāna.

18 Mamɔma kí Nebukanɛza, nanaa kè má òn gwe. Bɛtesaza, ò à b̀k̀t̄ɛm̄e sa, zaake ma kpata ònd̄ri kee e f̄ à b̀k̀t̄ɛm̄ero. Mòde né f̄, zaake ñ Luda kè kú adona Ninii v̄i.

Danieli nana b̀k̀t̄ɛna ḱnane

19 Ben Danieli kè wè benɛ dɔ Bɛtesaza bídi kè yā p̀ia. Laasuu kè èe lɛ t̀ swè kèn. Ben ḱina bè: Bɛtesaza, ònton tó nanaa p̀i kɔn à b̀k̀t̄ɛnao n v̄ia

kūro. Ben Betesaza bène: Ma dii, Luda tó nanaa pì gō de n zangurino yā ũ. Luda tó à bōkōtēna gō de n ibeeno yā ũ.

20 Lí kè ní è bíta bensō à gbāa ai à mìsōntē zō ludambēea, ben wè e zaa anduna lé zekiinoa pिंगी.

21 À lánoo maa, à né ì bíta, à póblee mò gbē pिंगीa. Nòbōsētēnoo kú à gbáru, bāano è mó zōzō à gānoa.

22 Kí, míbe lí pì ũ. N iko bíta bensō ní gbāa vī. N bítakee gbà à zō ludambēea, n kpata o tà ai anduna léa.

23 Kí, n malaika ke è bōna ludambe à bè: À lí pì zō à ke pōpō, mōde à à kusu kōn à kāsāano tó tōtēn. À mōsi gada kpáne kōn mōgotēo sē guu gwe. Kpíí é kpáàla, eégō kú kōn nòbōsētēnoo ai wē swēplaa.

24 Kí, à bōkōtēnan yē. Yā kè Luda Musude diē ma dii kína yā musun yē.

25 Weé pémma wà n bō gbēntēnoo té, négō kú kōn nòbōsētēnoo négō sē soo lán zù bà. Kpíí é n gbē, négō kuu le wē swēplaa ai ò gá dō kè Luda Musude bé à iko vī gbēntee kpatanoa, è gbē kpá kpatan lán à yezi nà.

26 Lán à bè wà líkusu kōn à kāsāano tó nà, beee bè tó n Luda dō ikodee ũ, eé eara à n kpá kpatan.

27 Beee yānzi kí, ò ma lédamma kè ma. Ò kē n durunnoa ògō yā kee a zéa. Ò n yā zaakēna tó ògō gbēkeē kee takaasideenone, ke n nnamana égō gaa gwēe.

28 Yā pìnoo kí Nebukanēza lè pिंगी.

29 Mō kuri awēplaaa gbera kína e taa oo a be kpé bíta musu Babilonu.

30 Ben à bè: Babilɔnu bíta kè má kàe ma kíblekii ũun yèroo? Má kàe kɔn ma iko gbãaa ma kíkɛ gakui yãnzime.

31 Ai kína gɔ yã pì o à yãa, kòto ke bɔ ludambe à bè: Kí Nebukanɛza, yã kè wà ò n yã musun yè: Wà n bɔ kpatan sa.

32 Weé pemma wà n bɔ gbɛnteenɔ té, négɔ kú kɔn nòbɔsɛtenɔ négɔ sɛ soo lán zù bà. Négɔ kuu le wɛ swɛɛplaa ai ñ gá dɔ kè Luda Musude bé à iko vī gbɛntee kpatanɔ, è gbɛ kpá kpatan lán à yezi nà.

33 Gwe gɔ yã kè wà ò Nebukanɛza musu kè. Wà pɛa wà à bɔ gbɛnteenɔ té, à sɛ sò lán zù bà, kpíi à yàku. À mikã gbã lán kúu kã bà, à ɔnkɔkɔ bòbò sòɔsɔɔ lán bã ɔnkɔkɔ bà.

34 Kè wɛ swɛɛplaaa pì pàpa, mamɔma Nebukanɛza ma wée sɛ ma musu gwà, ben ma su ma làakaria. Ben ma Luda Musude sáabu kpà ma Gurɔpingide tó kpà ma bèe liɛ. Zaake à kíkɛ yãana vīro, à kpata ègɔ kuu gurɔ píngi.

35 Gbɛ kè aɔ kú anduna guunɔ ní píngi denɛ póke ũro. È ke lán à yezi nà kɔn gbãadee kè aɔ kú musunɔ kɔn gbɛntee kè aɔ kú tɔɛtenɔ. Gbɛke è fɔ à kpàɛro, gbɛke è fɔ à benɛ bón èe keero.

36 Gurɔ kè ma su ma làakaria, ben ma ɛara ma su ma kíkɛgakuin kɔn bèe kɔn bítakeɛo. Ma ìbanɔ kɔn ma bùsu gbãadeenɔ ma gbeka, aɔ ma ka kpatan, ben ma iko de káakupɔla.

37 Mamɔma Nebukanɛza mée musu Kína sáabu kpaa sa mée bèe liɛ mée à tó kpaa, zaake à yãkenanɔ maa píngi, ègɔ yã kee a zéa. Eé fɔ à gbɛ kè è a zīnda sé lezī busa.

5

Yá kēna gù

¹ Kí Belisaza a bùsu gbãadeenɔ̀ sìsi zĩbaa póbleea g̃ɔ̀n wàa sɔ̀ro, ben èe w̃e miińyo.

² Kè à pɔ̀ kè í pia nna, à bè wà mó k̃n vura ímibɔ̀n k̃n kondogi ímibɔ̀ kè a dezi Nebukanɛza s̃e Luda kp̃n Yerusalemunɔ̀ le à í mio, àpi k̃n a bùsu gbãadeenɔ̀ k̃n a nɔ̀nɔ̀ k̃n a nɔ̀ yìgisainɔ̀.

³ Ben wà mò k̃n togoo p̃nɔ̀, ãɔ̀e í miio.

⁴ Kè ãɔ̀e w̃e mii, ãɔ̀e t̃aa kè wà ñ ké k̃n vura k̃n kondogio k̃n m̀got̃e k̃n m̀sio k̃n lío k̃n gb̀e sáabu kpaa.

⁵ Gwe g̃ɔ̀ gb̃ntee ɔ̀ b̀ fitia'izi, èe ɔ̀gb̃e k̃e kibe gù kè lólnaa. Kína ɔ̀ p̃i è, èe p̃ó k̃e,

⁶ ben à laasuu tò sw̃è k̃n. À uu yàk̃te à gb̃aa bùsa, ben à gb̃anɔ̀ e lugalugaa.

⁷ À wii gb̃aa lè à bè, wà mó k̃n asid̃rinɔ̀ k̃n s̃ɔ̀neyad̃rinɔ̀ k̃n m̀sokerinɔ̀. Ben à bè Babilɔ̀nu ɔ̀nd̃ri p̃inɔ̀: Gb̃e kè ɔ̀gb̃e k̃eki kyó kè ben à à b̀k̃teme, mé gumusu t̃ea k̃n vura k̃amb̃eɔ̀ dañe, eé g̃ɔ̀ ma bùsu gbãadeenɔ̀ gb̃e aag̃dee ũ.

⁸ Kè kína ɔ̀nd̃ri p̃inɔ̀ g̃è ñ píngi, ben ã gb̃ekee e f̃ à ɔ̀gb̃e p̃i kyó kè à à b̀k̃teñe.

⁹ Sw̃è èara à k̃e k̃i Belisazan maamaa, à èara à uu yàk̃te, ben à bùsu gb̃ensinɔ̀ g̃ò bídi guu.

¹⁰ Kè k̃i nã kína k̃n bùsu gb̃ensinɔ̀ zoka mà, à g̃ènz̃i póblekiia à bè: Wà ñ d̃ k̃n aafiao Zaaki! Ñton tó ñ laasuu ñ ñɔ̀se yakaro, ñton tó ñ uu g̃ɔ̀ sisinaro.

¹¹ Gb̃ekee kú ñ bùsun k̃e, à Luda kè kú adona Ninii ṽi. Ñ dezi Nebukanɛza gurɔ̀ wà è à làakari ṽi k̃n w̃eɛ̃e k̃n ɔ̀nd̃ɔ̀ lán Luda bà. Ñ dezi à

dìe wéézērinɔ kɔ̃n asidōrinɔ kɔ̃n sɔsɔneyādōrinɔ kɔ̃n māsokerinɔ gbēnsi ũ.

12 À ɔ̃ndɔ̃ kɔ̃n à dōnao pāsī, è yā pínɡi ma. È nanaano bɔkɔ̃te è yā zī'ũunɔ yáasi tɔkē kɔ̃n yálekɔ̃zinano. À tón Danieli. Kína tó kpàne do Betesaza. Ñ à sísi se, eé yā pì bɔkɔ̃tenne.

13 Kè wà mò kɔ̃n Danielio kína pì kiia, ben kína bène: Mbe zìzɔ kè wè be Danieli kè ma dezi b̀ò Yudano b̀usun ũs?

14 Má mà wà bè ñ Luda Ninii vī, ñ làakari vī kɔ̃n wéézēeɔ kɔ̃n ɔ̃ndɔ̃ wéebɔnao.

15 Wà mòme kɔ̃n ɔ̃ndōrinɔ kɔ̃n yā'asidōrinɔ tia, le aɔ ɔgbɛ kè kyó ke aɔ à bɔkɔ̃teme, mode aɔe f̃ro.

16 Má mà wà bè neè f̃ ñ yāno bɔkɔ̃te neè f̃ ñ yálekɔ̃zinano tɔkē. Tó n f̃ n ɔgbɛ kè kyó kè n à b̀kɔ̃teme, mé gumusu tēa kɔ̃n vura kãmbɛeɔ danne, né g̃o ma b̀usu gbãadeeno gbē aag̃o dee ũ.

17 Ben Danieli bène: Ñ n gbaano kũ ñ asaiapo pì kpá gbē pãndea. Mode baa kɔ̃n beeeo mé ɔgbɛ pì kyó kenne kí, mé s̃o bɔkɔ̃tenne.

18 Kí, Luda Musude bé à kíkɛ kɔ̃n bítakɛeɔ kɔ̃n gakuio kɔ̃n bèeɔ kpà n dezi Nebukanɛzaa.

19 Lán à à sè lezī nà, gbē pínɡi à vīa vī, aɔè m̀i siene, bori pínɡi ke yā'ona bori pínɡin yoo. Gbē kè à yezi à à de, è à demɛ. Gbē kè à yezi à à bɔ, è à bɔme. Gbē kè à yezi à gwena kaaranɛ, è à kaara. Gbē kè à yezi à à busa, è à busame.

20 Mode kè à a zīnda sè lezī à swā gbãa kũ bens̃o à zaza kũ, ben Luda à b̀o kpatan à à gakuì k̀è.

21 Wà pèa wà à b̀o gbēnteenɔ té, à laasuu g̃o lán ǹobono p̀o bà. À kú kɔ̃n sakenɔ à sè s̀o lán zù bà.

Kpíi à yàku, ben à dǒ sa kè Luda Musude bé à iko ví gběntee kpatanɔ, è gbě kè à yezi kpá kpatan.

²² Mpi sǒ Belisaza, à dion n ũ. Baa kè n yā pìnɔ dǒ pínɡi, née n zīnda busaro.

²³ N dǔkè Dii Musudeo n tò wà mò kǒn à kpé togoonɔ, ben mpi kǒn n bùsu gběnsinɔ kǒn n nɔɔnɔ kǒn n nɔ yìɡisainɔ wěe miò, ben n tǎa kè wà kè kǒn vuraò kǒn kondogio kǒn mǒgotěo kǒn mǒsio kǒn lío kǒn gbèò sáabu kpà, pǒ kè aǒè guu ero aǒè yā maro bensǒ aǒ dǒna víroonɔ. N wěndi kǒn n ziaao kú Luda ɔzĩme, ben née bèe línero.

²⁴ Beee yānzin à tò ɔɔ pì mò à ɔgbɛ pì kèzi.

²⁵ Yā kè ɔɔ pì kèn yè: Mene, mene, tekeli, paasi.

²⁶ Yā pìnɔ bǔkǒtenan yè: Mene bè, Luda n kíblegurɔɔ nàro à à lé zè.

²⁷ Tekeli bè, wà n tǐisi lé gwà kilooa wà è née kiloo séro.

²⁸ Paasi bè, wà n kpata kpàatete Midiãnɔ kǒn Pesianɔne.

²⁹ Belisaza yā ò a ibanɔne, ben aǒ gumusu tǎa kǒn vura kǎmbɛeò dà Danieline wà kpàakpa kè wà bè, bùsu gbǎadeenɔ gbě aagǔdeen à ũ.

³⁰ Gwǎavĩ dǒnkǒ pì guun wà Babilonia kí Belisaza dè.

³¹ Midiã borii kè wè bene Dariusu bé à vèe à gǛe ũ a wè baaagǔ awɛɛplaadee guu.

6

Danieli zuna músunɔ wèen

¹ À kà Dariusune à bùsu gbǎadeenɔ die gǔon baswɛedo, ben à n díedie a bùsun pínɡi.

² À gɔɔn aagɔɔ diɛ ní gbɛnsinɔ ũ. Danieli né gɔɔn aagɔɔ pìnɔ dokemɛ. Bùsu gbãadeenɔ è ní yānɔ tɔkɛ gbɛ pìnɔnɛ, lɛ wàton ásarɔ kɛ kínanero yānzi.

³ Danieli òndɔ wéɛbɔna de gbɛnsinɔla kɔn bùsu gbãadeenɔ ní píngi, ben kína zèò à à diɛ a bùsu gbɛnsi ũ.

⁴ Ben gbɛnsinɔ kɔn bùsu gbãadeenɔ e zé wɛtɛɛ wà yāke ea kpata kè à blè yā musu, mɔde à taari vīro, aɔɛ yāke earo, zaakɛ à náanɛ vī a yākenɔ guu píngi. È pā kpá yākeziro è sāsā yākearo.

⁵ Ben aɔ bè: Wé yākee e Danieliario, tó èe kɛ à Luda doka musu baasiro.

⁶ Ben gbɛnsinɔ kɔn gbãadeenɔ mì pèkɔrɛ aɔ gàa wà kína lè wà bè: Kí Dariusu, wà n dɔ kɔn aafiao!

⁷ Wamɔwa gbɛnsinɔ kɔn kínanɔ kɔn zìkpe gbɛnsinɔ kɔn gbãadeenɔ kɔn lédammariɔ kɔn n ìbanɔ ní píngi, wa lé kpàkɔsɔ wá è à maa n yā kè diɛ ñgɔ zīi kɛɛa. Gurɔ baaakuri daguran tó gbɛ wéɛ kè dii kea ke gbɛnteen yoo, tó èe kɛ mpi baasiro, wà adee sé wà zu músunɔ wɛɛn.

⁸ Kí, n yā pì diɛ sa n ɔ da takada kɛn, lɛ gbɛke tón yā pì liero yānzi. Eégɔ de Midiānɔ kɔn Pesianɔ doka kè wéé fɔ wà gbororo ũ.

⁹ Ben kí Dariusu yā pì diɛ à a ɔɔ dà takadan.

¹⁰ Kè Danieli mà wà yā pì diɛ, à tà bɛ. À kpé kè kú musu windonɔ aɛ dɔ Yerusalemua wɛwɛna. Ben à kùɛ à adua kè à Luda sáabu kpà, lán è kɛ nà lán guu e dɔɔ nà gèn aagɔgɔ.

¹¹ Ben gbɛ pìnɔ mì pèkɔrɛ aɔ gàa wà à è èe adua kɛɛ èe dɔnɛ wéɛ kɛɛ Luda.

¹² Ben aɔ gàa wà kína lè yā kè à diɛ pì musu wà bè: N yā diɛ n bè ai gurɔ baaakuri dagura gbɛ kè wéɛ kè dii kea ke gbɛnteen yoo, tó èe kɛ mpi baasiro, wéé

adee sé wà zu músunɔ wɛɛ guume. Ben kína bè: Yā pì seka vīro, à gò Midiānɔ kɔn Pesianɔ doka kè weé fɔ wà gbororoo ũme.

¹³ Ben aɔ bène: Yudanɔ bùsu zìzɔ Danieli è n yā daro ke yā kè n dìe pì. Ègɔ adua keɛ lán guu e dɔɔ nà gèn aagɔgɔme.

¹⁴ Kè kína yā pì mà, à kènɛ zaa maamaa. À zèò à Danieli mì sí, ben èè à bɔna zé wetɛɛ ai ɔfántɛ gàa à gèò kpén.

¹⁵ Ben gbɛ pìnɔ èara wà pèkɔre wà gàa wà kína lè wà bè: Kí, n Midiānɔ kɔn Pesianɔ doka dɔ, wà bè yā kè kína dìe kɔn yā kè à gizio liena vīro.

¹⁶ Ben kína bè wà mó kɔn Danielio wà à zu músunɔ wèen. Kína bè Danieline: N Luda kè neègɔ dɔnzi keɛne gurɔ píngi n bɔ!

¹⁷ Kè wà à zù wèe pì guu, wà gbè sè wà tàta wèe pì léa, ben kína sèeda kèa kɔn a tângao kɔn a bùsu gbáadeenɔ tânganɔ, le gbèke tón yáke lie Danieli musuro yānzi.

¹⁸ Ben kína tà be à gì pɔ ble gwāavī beeeazi, bensɔ èè a nɔgbɛ ke yā gbekaro. Èe fɔ à ii òro.

¹⁹ Kè guu dɔ, guwɛɛ e kɛɛ, ben kína pì fèè à gàa músunɔ wèe pì kiia kpakpaa.

²⁰ Kè à sò wèe pìzi, à lé zù Danielizi kɔn pɔsiaao à bè: Danieli, Danieli, Luda Wèndide zòbleri! N Luda kè neègɔ dɔnzi keɛne gurɔ píngi fɔ à n bɔ músunɔ lézĩs?

²¹ Danieli wèàla à bè: Luda n dɔ aafiao Zaaki!

²² Ma Luda a malaika zì, à mò à músunɔ lé nàkɔa, aɔɔe ma kènnaro, zaake ma denɛ taarisaidee ũ. Kí, mée taari ke kenne zikiro.

23 Kína pɔɔ kè nna maamaa, ben à bè wà Danieli gá wà à bɔ wèe pì guu. Kè wà à bɔ, wèe e à kèna gukearo kè à Luda náane kena yānzi.

24 Ben kína bè wà mó kɔn gbě kè aɔ yā di Danielianɔ, ben wà n zúzu wèe pì guu se kɔn n nɛnɔ kɔn n naɔnɔ. Ai aɔgɔ gá tɔɔte le, músunɔ n dā aɔ n kúkū aɔ n wánɔ wìwi píngi.

25 Kí Dariusu takada kè gbě kè aɔ kú a bùsu guunɔne n píngi kɔn bori sānda píngio à bè: Àgɔ kú aafiao maamaa!

26 Ma yā kè diɛ ma bùsu gbě píngine, kè aɔgɔ Danieli Luda vīa vī aɔ dɔnzi kene, Zaake Luda Wèndide kè kuu gurɔ píngin à ũ. A kpata yāana vīro, ègɔ kí blee gurɔ píngime.

27 È gbě mì sí è n bɔ. È dabuyānɔ kɔn yābɔnsaenɔ ke musu kɔn tɔɔteo. Àmbe à Danieli bɔ músunɔ lézī.

28 Danieli gbāaa è Dariusu kiblegurɔ kɔn Pesia bori Sirusu kiblegurɔɔ.

7

Danieli wéegupu'ena pɔ bɛe mèn siigɔnɔ yā musu

1 Babilɔnu kí Belisaza kíblena wè káaku guu Danieli wéegupu è, à yāke è a laasuu guu gurɔ kè à daena a gádoa, ben à wéegupu pì yā kè takadan à à yā mìnɔ ò.

2 Danieli bè: Mée guu gwaa wéegupu'ena guu gwāavī, ben ma ludambe ĩa mèn siigɔ è, aɔɔe kakaa ísia bíkala.

3 Ben pɔ bɛe bíta mèn siigɔnɔ bɔ ísiaan, aɔ borii bɔ doodo.

4 À káakudee bɔ lán músu kè à kúu dèbenɔ vīi bà. Kè mée gwaa, wà à dèbe wòwoa, ben wà à sè wà zè

à gbá plaaaa lán gbēntee bà, ben wà gbēntee swè dāne.

⁵ Ben ma pò bēe plaadee è, à bò lán kpera bà. À gēkēsēkēna, gbàntēwa mèn aagō kpana à lézī. Ben wà bène à fēe à nòbò só maamaa.

⁶ Beee gbēra ma guu gwà, ben ma pò bēe pānde è, à bò lán gbèka bà. À dèbe vī a kpēea lán bāa bà mèn siigō bensō à mì vī mèn siigō. Wà à kpà kpatan.

⁷ Beee gbēra kè mée guu gwaa wéegupu pì guu gwāavī ē, ma pò bēe siigōdee è, è tó vīa gbē kū ai swè kēn. À gbāaa sáa vīro. À swaa né m̀simē bensō à bita, è pò sóo, à wíwi, è kēse pépēe à kpāaa kè g̀a. À b̀o ado k̀n p̀o bēe kè aō d̀ne aeǹ. À koba mèn kuri.

⁸ Kè mée laasuu lēe à koba p̀ǹo yā musu, ben ma koba pānde è, à néngo èe b̀̀o n̄ té, ben koba káaku mèn aag̀̀ǹo ẁowo aō guu b̀ne. Má è koba néngo p̀i wée vī lán gbēntee p̀o bà. À lé vī d̀o kè èg̀o wada yā oo.

⁹ Kè mée gwaa, má è wà kiblekitaǹo kàe, ben Tontoride mò à v̀ea. À p̀kāsāaǹo de p̀ú fénfen lán buu bà, à mìkā de lán sākā bà. À kiblekita de ténene ũ, à g̀rogbaǹo vī aōe té b̀̀o.

¹⁰ Té b̀o à g̀zī èe bàa lēe à ae lán swaa bà. G̀̀ǹo b̀̀o lēo b̀̀o e ìba bleene, gbē kè aō zena à aeǹo kà g̀̀ǹo miliō bas̀̀o. Yākpaekeriǹo v̀ēe, ben wà takadaǹo ẁēwē.

¹¹ Ben má kpé mée tàasi kēe wada yā kè koba p̀i e oo yānzi, ben má kpé mée gwaa ai wà g̀a wà p̀o bēe p̀i dè wà à gè dúgu z̀ò wà sè wà z̀u tén.

¹² Wà pò bēe pāndeǹo b̀o kpatan, m̀ode wà n̄ tó

wèndio ai gurɔ plaa.

13 Kè mée guu gwaa gwāavī wéegupu pì guu le, ben ma pɔ è lán gbēntee né bà, èe mɔɔ ludambe luguun. Kè à kà, ben wà à kpan'ae kè wà gāao Tontoride kiia.

14 À à kpà kpatan à iko kpàa kɔn gakuio, ben baade pínɡi dɔnzi kènɛ, bùsu pínɡi gbē kɔn bori sānda pínɡio. À iko égɔ kuu gurɔ pínɡi à yāana vīro, à kpata é m̀ de zikiro.

Wéegupu bɔkɔtena

15 Mamɔma Danieli ma pɔɔ yàka. Yā kè mée ee ma laasuu guu tò swè kèmagu.

16 Ma sɔ gbē kè aɔɔ zena gweenɔ dokezi ma yā pìnɔ yāpuraa gbèkaa pínɡi. Ben à yā òmɛ à yā pìnɔ b̀kɔtemɛ.

17 Pɔ bēɛ bíta mèn siigɔɔ pìnɔ né kpata mèn siigɔɔ kè aɔ́é bɔ anduna guunɔmɛ.

18 Mɔde Luda Musude gbēnɔ bé wé kpata sí wà ble aɔ́égɔ vī gurɔ pínɡi, kpata pì égɔ yāana vīro.

19 Beee gbera má yezi mà yāpuraa dɔ pɔ bēɛ siigɔde yā musu. À taka b̀ ado kɔn pɔ bēɛ kpaanɔmɛ, è tò vīa gbē kũ de à kpaanɔla. À swaa né m̀simɛ, à ɔnkɔkɔ né m̀gotēmɛ, è pɔ só à wíwi è kèɛɛ péɛɛɛ à kpaana kè g̀a.

20 Má yezi mà koba mèn kuri kè aɔɔ kú à mianɔ yási dɔ dɔ kɔn koba kè b̀ ben koba mèn aagɔɔnɔ wòwo wà guu tònɛo. Koba pì wée vī kɔn léo, è wada yā o, à zena gbāa de à kpaanɔla.

21 Kè má kpé mée gwaa, koba pì e zì kaa kɔn Luda gbēnɔ èè n̄ fuu.

²² Ben Tontoride pì m̀ò à yā nnaa kpà a gbě pìnɔa, zaake kpata gɔ̃na Luda Musude gbě̃nɔ pò ù gurɔɔ bé à kà.

²³ Wà bèmε lán kè bà. Pó b̃ε mèn siigɔ̃dee pì né kpata siigɔ̃dee kè eé bɔ anduna guumε. À taka b̀ò ado k̃ɔn kpata kpaaanɔ, eé da andunala píñgi à kè̃ε p̃é̃p̃εεa à wíwi.

²⁴ Koba mèn kuri pìnɔ né kpata pì kína g̃ɔ̃n kuri kè ãé kí bleenɔmε. Kína kè b̀ò adona k̃ɔn à káakurɔ̃nɔ é fεε ñ gbera eé kí g̃ɔ̃n aag̃ɔ̃nɔ bɔ kpatan.

²⁵ Eé Luda Musude tó zaaa sí eé gbāa m̀ó à gbě̃nɔne eé wete à zībaa gurɔ̃nɔ k̃ɔn doka kè Ludaa dĩnɔ liε. Wà Luda gbě̃nɔ nàne à ɔ̃zī wè aag̃ɔ̃ k̃ɔn a kusuo.

²⁶ M̀ode yākpaẽkerinɔ é ṽεe ã à bɔ kpatan, ãé kpata pì m̀i de míom̃iɔ ai gurɔ̃ píñgi

²⁷ gbasa wà anduna kpata píñgi kíkε k̃ɔn ikoo k̃ɔn bítakẽεo kpá Luda Musude gbě̃nɔa. À kpata pì né kpata kè eé yāaromε, kpatablerinɔ é d̃ɔnzi kenε ãé m̀i siene ñ píñgi.

²⁸ Yā pì lén gwe. Mamɔma Danieli, ma laasuunɔ t̀ò ṽia ma k̃ū maamaa, ma uu liε, ben má yā pì k̃ūna ma swèn.

8

Sākaro swè̃kena k̃ɔn blè̃kof̃iio

¹ Belisaza kíblena wè̃ aag̃ɔ̃dee guu mamɔma Danieli ma wé̃gupu è à kè má è káaku baasi.

² M̃é̃ guu gwaa ma wé̃gupu'ena pì guu, ben má è má kú kíbε Susa wétēdaan Elamu b̃usun. Má kú swaa kè wè̃ be Ulai saε.

³ Ma wée sè ma guu gwà, ben ma sākaro è zena swaa pì léa. À koba vī mèn plaa. Aᵛᵛ gbàa, mᵛᵛde à doo gbàa de à doola, à kè gbàa pì bᵛᵛ zāame.

⁴ Ma sākaro pì gwà, èe sᵛᵛ dadaa ɔfāntēgēkpen kpa kᵛᵛn gu'igbāroo kpaao kᵛᵛn sᵛᵛmēte kpaao, èe koba máeme. Nᵛᵛbᵛᵛ kee e fᵛᵛ à zè à gìn̄ero, gbēkee e fᵛᵛ à bᵛᵛ à gbāaa ɔzīro. Ègᵛᵛ a zīnda pᵛᵛyezi keeme, ben à a zīnda sè lezī.

⁵ Mée laasuu lēe yā pì, ben ma blèkofii è bᵛᵛna ɔfāntēgēkpen kpa, à bà andunala píngi à gbá e pēe tᵛᵛt̄ero. À koba bíta vī a wéegbātán.

⁶ À gàa sākaro kè zena swa léa pì kiia, ben à kúu òa kᵛᵛn pᵛᵛfē pāsīo.

⁷ Kè má è à sùzi kᵛᵛn pᵛᵛfēo le, à à gbēgbē ai à à koba mèn plaaa pìno è'e, ben sākaro pì e fᵛᵛ à pèaro. Blèkofii à nè à kèse pèepeea, gbēkee e fᵛᵛ à à bᵛᵛ à ɔzīro.

⁸ Ben blèkofii a zīnda dī, mᵛᵛde kè à pēe maamaa, à koba bíta pì è, ben koba pāndeno bᵛᵛe wà kpà mèn siigᵛᵛ à gēe ũ, aᵛᵛ lé dᵛᵛᵛ anduna gooda siigᵛᵛᵛᵛa.

⁹ Koba pìno doke gbādā néngo bᵛᵛ, ben à bíta kᵛᵛ maamaa. À gàa sᵛᵛmēte kpa kᵛᵛn ɔfāntēbᵛᵛe kpaao kᵛᵛn bᵛᵛsu maaa kpaao.

¹⁰ À bíta kᵛᵛ ai à gàa pé ludambe zīkpenᵛᵛa, ben à sᵛᵛsᵛne kenᵛᵛ wᵛᵛro à ní kwée tᵛᵛte à kèse pèepeeríma.

¹¹ À a zīnda sè à kè sáa kᵛᵛn zīkpee pìno Kínao. À saa kè wègᵛᵛ ooa lán guu e dᵛᵛ nà mì dè à à kúkii kè bezī ũ.

¹² Wà zīkari pìno nàne à ɔzī kᵛᵛn saa kè wègᵛᵛ oo lán guu e dᵛᵛ nāo bᵛᵛnkpeeyā kè wà kè yānzi, ben à yāpuraa pàe tᵛᵛte. Yā kè à kè píngi bᵛᵛ maa.

13 Ben má mà malaika e yā oo, ben malaika pānde à là à bè: Wéegupu'ena yā pì é gá ke ai bɔɔɛɛ? Saa kè wègɔ oo lán guu e dɔɔ nà yā pì kɔn bɔnkpeeyā kè è guu yaka pìo kɔn Luda kpé kpańmanao kɔn kèsepepepeena zìkpepe pìɔɔao.

14 Ben à bèɛ: Eégɔ gaa ai guro wàa kuri awεedo kpé basɔɔro sa'ona kɔngɔ kɔn uusieo gbɛra, Luda kpé é gbasa à bɔ maa.

Wéegupu bɔkɔtɛna

15 Guro kè mamɔma Danieli mée wéegupu pì ee le, mée zé wɛɛɛ mà à yási dɔ, ben ma póke è zɛna ma aɛ à bɔ lán gɔgbɛ bà.

16 Ben ma gbɛntee kòto mà bɔna Ulaizi à le zù à bè: Gblieli, ñ wéegupu kè gbɛ pì è bɔkɔtɛnɛ.

17 À sòmazi ma zekiia. Kè èe mɔɔ, vĩa ma kũ, ben ma daɛ ma puua. À bèɛ: Gbɛntee né, ñgɔ dɔ kè wéegupu kè ñ è de andunayāaguro yā ũɛ.

18 Guro kè èe yā oomɛ, ii ma kũ gbāa, má daɛna ma puua. Ben à ɔ nàma à ma fɛɛ à ma zɛ.

19 À bè: Mée yā kè eé mó Luda pɔfɛpitammaguro ziakpeɛ zĩ oonnɛɛ, zaakɛ andunayāaguro yāɛ.

20 Sākaro kobamɛmplaadee kè ñ è pì de Midiānɔ kɔn Pɛsia kínano ũɛ.

21 Blèkoffi sɔ né Girisi kpatamɛ. Koba bíta kè dɔ à wéegbātān de à kína káaku ũ.

22 Koba mèn siigɔ kè aɔ bɔɛ koba kè è gɛɛ ũu pì né kpata mèn siigɔ kè aɛ bɔɛ à borii guunɔmɛ, mɔde aɔ gbāaa é ká lán à bàro.

23 Aɔ kíblena guro zāa zĩ, tó aɔ taarikɛna lé kà, kína uu fɛkpana mɔnafikide kàsara é fɛɛ.

24 À gbāaa é kaara, èe ke kōn à zīnda gbāaaonlo. À pōkaatena é swè kēngu. Yā kè eé ke píngi égō papaname, eé gōsagbāaanō kōn Luda gbēnō dúgu zō.

25 À ōndōo guu à mōnafiki égō papaname, eégō daa a ka. Tó gbēnō yāke dōnaro, ben eé n dúgu zō paripari eé fēe kōn kīnanō Kínao. Weé à kaate, mōde gbēntee oonlo.

26 Sa kōngō kōn sa uusieo oguro wéegupu kè n è né yāpuraame. N̄ yā pì ká takadan, zaake eé ke ziakpēe zīme.

27 Mamōma Danieli ma gbāaa yāa, ben ma gyāa kè guro plaa. Kè ma fēe, ma εara ma zīi kè kīnane. Ma bídi kè wéegupu kè má è pì yāa, mée à bokōtēna dōro.

9

Danieli aduakēna

1 Asueru né Dariusu, Midiā bori kíblena Babilōnia būsun wè káaku guu,

2 mamōma Danieli ma yā kè Dii ò annabi Yεremayane è takadan à bè, Yerusalemu é gō bezī ũ wè baaagō akurime.

3 Ben ma ae dō Dii Ludaa ma kúe kēne ma wéε kèa kōn léyinao kōn túbuo kuna ma mìa kōn posia utanō dana.

4 Ma adua kè Dii ma Ludaa, ma a gbēnō durunō òne ma bè:

N̄ yā nna Dii Luda. N̄ bíta bensō n̄ naasi vī. Neégō n bà kuuna kōn gbē kè aōo yenzi aōè n yā maanō kūna náane guu.

5 Wa durun kè wa yā zaaa kè. Wa taari kēne wa kpēε linnε. Wa bō yā kè n̄ diε kōn n dokanō kpēε.

⁶ N zòbleri annabinɔ yā ò wa kɪnanɔnɛ kɔn wa kpatablerinɔ kɔn wa dezinɔ kɔn wa bùsu gbɛnɔ n pɪngi kɔn n tɔo, ben wée n yā maro.

⁷ Dii, n maa. Wapinɔ sɔ wa gɔ kɔn wɪo gbàa, wamɔwa Yerusalemudeenɔ kɔn Yudanɔ pɪngi kɔn Isaraili kè aɔo kú kɪinɔ kɔn Isaraili kè aɔo kú zà bùsu kè n n fāakɔan aɔ bɔna n kpɛɛ yānzinɔ n pɪngi.

⁸ Dii, wɪ wa kū durun kè wá kɛnnɛ yānzi, wapinɔ kɔn wa kɪnanɔ kɔn wa kpatablerinɔ kɔn wa dezinɔ.

⁹ Dii wa Luda, baa kè wa sāsā n yāa, n wēnda vɪ kɔn sùuo.

¹⁰ Dii wa Luda, wée mɪ siennɛro wée té doka kè n dà n zòbleri annabinɔnɛ aɔo òweenɔziro.

¹¹ Isarailinɔ pà n dokanɛ n pɪngi aɔ gɪ n yā mazi. Ben n láari kèwa kè wa durun kɛnnɛ yānzi, lán n ò n zòbleri Musa doka takadan nà.

¹² N yā kè n bè eé wa lee kèwe kɔn wa gbɛnsinɔ. N mɔnzi kpàwazi, wèe yā kè Yerusalemu lè taka e anduna guu zikiro.

¹³ Wa Luda, yā pɪ wa le lán à yā kú Musa doka takadan nà, mɔde wée n kii wɛtɛro, wée kpɛɛ li wa durunnɔnɛ wa làakari dɔ n yāpuraaaro.

¹⁴ Dii wa Luda, nées gɪ kɛ kɔn mɔnzi kpanawazioro, zaakɛ n yā ègɔ nna n yākena guu pɪngi, ben wée n yā maro.

¹⁵ Dii wa Luda, n bɔ kɔn wa gbɛ kè aɔo dɛ n gbɛ ũunɔ zaa Igipiti kɔn n gāsā gbāaa, n tɔ bɔ lán à kuu ai kɔn a gbāao nà. Wa durun kè wa taari kɛnnɛ.

¹⁶ Dii, lán n yākenanɔ maa pɪngi nà, n n pɔfɛ kɔn n pɛtɛo kɛ n wétɛ Yerusalemua kɔn n kpɪiio sa, zaakɛ Yerusalemu kɔn wamɔwa kè wá dɛ n gbɛ ũunɔ gè fabona pɔ ũ gbɛ kè aɔo ligawaziinɔnɛ n pɪngi

wa durunnɔ kɔn wa dezinɔ yāzaakenao yānzi.

17 Wa Luda, n̄ mamɔma n zɔbleri wéekεε kè mée keemma sí sa kɔn ma wēnda wiiio. Dii, n̄ ae dɔ n kúkii kè gbɔroa n tó yānzi.

18 Luda, n̄ swā kpá n̄ ma yā ma. N̄ wée sé n̄ wéte kè n tó kúa bezī gwa. Èe ke wa maakena yānzin wée wée keemmaziro, n wēnda bíta yānzime.

19 Dii, n̄ ma yā ma! Dii, n̄ sùu ke! Dii, n̄ swā kpá ma yāzi n̄ ke kpakpaa! Ma Luda, n̄ton gi kero n tó yānzi, zaake n tó kú wéte pía kɔn n gbēnɔme.

Azuma baaagɔ akuri yā

20 Gurɔɔ kè mée yā oo le, mée adua kee mée ma durunnɔ yā oo kɔn ma gbē Isarailinɔ durunnɔ, mée wée kee Dii ma Ludaa à kp̄ii yā musu,

21 kè mée adua kee le, Gablieli, gbē kè má è wéegupu'ena guu yāa p̄i v̄ia à mò ma kiia sa uusie ogurɔ.

22 À yā òme à bè: Danieli, ma bɔ ma mɔnzi le mà n wée kēnnεme, n dōna e à kaara.

23 Kè n na aduakεnaa, Luda n wéekεε s̄i, ben ma mɔ mà onne, zaake à gbē yenzideen n ũ. N̄ làakari dɔ yā kèa n̄ laasuu lé wéegupu kè née eea.

24 Luda azuma baaagɔ akuri diè n gbēnɔne kɔn n wéte p̄io, le à taarinɔ mì de à durunnɔ v̄ii à yā zaaanɔ kēawa, eé bɔ kɔn bɔna maaa kè eé yāarooo, wéegupu'ena kɔn annabikεε kenao lé é ká, wéé Ludakukii kya ke.

25 N̄ laasuu lé yā kèa ñgɔ d̄ɔ kè naana zaa gurɔɔ kè wà diè kè Yerusalemu é εara à su a gwena z̄iia ai à gàa pé Mesaya mógurɔɔa eégɔ de azuma swεεplaa kɔn azuma baaagɔ awεεplaa ũme. Weé εara wà

káε weé à gāalenɔ kεke kɔn zédaano, mode nawēa égɔ kuu gurɔɔ pìà.

²⁶ Azuma baaagɔ awεεplaaa pì gbera weé Mesaya pì de, gbēke é zero. Kína kè èe moɔ zìkpeeno é wéte pì kaate kɔn Luda kpéo. À mǐdena é su lán í gublena bà. Ai à lé gɔ gá ká zìkana kɔn kaatenao égɔ kuu lán Ludaa diè nà.

²⁷ Kína pì é ledole ke kɔn gbēnoɔ pari ai azuma do. Azuma doo pì dagura eé sa'ona kɔn gbadanao mǐ de à tēpo guyakari pée gwe ai kaatena kè Ludaa diè guyakari pìne gá à leo.

10

Gakuidee bo à moɔna Danielizi

¹ Pesianɔ kí Sirusu kíblena wè aagɔdee guu wà yā bìia Danieli kè wè bene do Betesazane. Yā pì né yāpuraame, bensɔ zì gbāa yāme. À yā pì mà wéegupu'ena guume, ben wà à bòkɔtene.

² Gurɔ beea mamɔma Danieli, mée posiaa keε azuma aagɔɔ dagura.

³ Mée pó nnaa blero, nòbo ke wēe e gē ma lénlo. Mée nósi kemaro ai azuma aagɔɔ pì gāa à pàpao.

⁴ Mo káaku gurɔ baro awεesiigɔdee zǐ má zena swa bíta kè wè sísi Tigiri sae.

⁵ Ma wée sè ma guu gwà, ben ma gbēke è à táaru bisa dana, vura maa asaa dona à pii.

⁶ À mè bò lán gbè bèedeè bà, à uu de lán loupina bà. À wée de lán sèté bà, à ɔno kɔn à gbánno e té keε lán mògotē lólona bà. À kòto de lán gbē parii kǐi bà.

7 Mamoma Danieli mámbé ma wéegupu pì è mado. Gbē kè aṣo kúmaonṣo e ero, mṣde swè kèngu, ben aṣ bàa lè wà gàa wà ùte.

8 Mámbe ma gṣ mado, mée wéegupu bíta pì ee. Ma gbāaa yāa, ma uu liè, ma gṣ gbāaa sai.

9 Ma à kòto mà, ben gurṣo kè mée maa, ii ma kũ gbāa, ma dae ma puua.

10 Ben wà ṣ nàma wà ma se wà ma kuε ma kosooa kōn ma ṣṣo, mée lugalugaa.

11 Ben wà bèmε: Luda gbē yenzide Danieli, ò làakari dṣ yā kè mée oonnεa. Ñ fεε ò ze, zaake wà ma zĩmmame. Kè à òmε lε, ma fεε ma ze, mée lugalugaa.

12 Ben à èara à bèmε: Danieli, ònton tó vĩa n kũro, zaake zaa gurṣo káaku kè n n nṣe kpà yā wàaripanaa bensṣ n n zĩnda bùsa Ludanε, à yā sìnyo. N yā pì yānzin ma mṣzi.

13 Pesia bùsu tāa kí ma dādā gurṣo baro awεedo, ben malaika kíno do Mikaeli bé à mò à ma ïan kà.

14 Ma mṣ lε mà yā kè eé n gbēno le gurṣo zāa zĩ bṣkṣtenne, zaake wéegupu kè née ee kuu zia yā ũmε.

15 Gurṣo kè èe yā pì oomε, ma a mì pèε, má yĩtena kítikiti.

16 Gbē kè bṣ lán gbēntee bà pì ṣ kè ma léa, ben ma lé wè ma yā ò. Ben ma bè gbē kè zena ma aεnε: Dii, ma wāwāa mà pṣ kè mée ee yānzì, ma gṣ gbāaa sai.

17 Dii, mamoma n zṣbleri mé ke diamε mà yā onyo? Má gbāa vī dṣro, wesabona kèmao zĩ'ũ.

18 Gbē kè bṣ lán gbēntee bà pì èara à ṣ kèma à ma gba gbāaa

19 à bè: Luda gbē yenzide, ònton tó vĩa n kũro. Ñgṣ kú kōn aafiao! Ñ tó n làakari gṣ kpaena! Ñ swè gṣ

gbāa! Kè à yā òmε, ben ma gbāa è ma bè: Dii, ò yā omε sa, zaake n ma gba gbāaa.

²⁰ Ben à bè: N̄ yā kè tò ma m̄ n kiia d̄s̄ó? Mé εara mà gá z̄ì ká k̄s̄n Pesia t̄aa p̄io tia. Tó ma ta, Giriki t̄aa é m̄ó.

²¹ M̄ode mé yā kè kú Yāpura Takadan onne ḡia. Gbēkee e ze à ma ïan káro, séde a malaika Mikaeli baasiro.

11

¹ Midiā bori Dariusu kíblena w̄è káaku guu, ma ze ma gi k̄s̄n Mikaelio ma à d̄àkpa.

S̄omεte k̄ina k̄s̄n gu'igb̄aro k̄inao

² Yāpuraan m̄ée oonne. K̄ina p̄ānden̄o é f̄εε ḡs̄on aaḡs̄ ās̄ kí ble Pesia b̄usun. Ās̄ siiḡs̄dee té n̄ k̄pεε, eéḡs̄ auziki v̄i maamaa deñla. Eé gbāaa e a auziki p̄i yānzi eé tó gbē píngi f̄εε Girisi b̄usuzi.

³ K̄ina gbāadee é f̄εε à kí ble b̄usun̄o pari, eéḡs̄ keε lán à yezi nà.

⁴ À f̄εεna gbera à kpata é gboro à ke leo siiḡs̄, anduna gooda siiḡs̄on̄o baade k̄s̄n a p̄ó. Èe ke à boriin̄o bé wé kpata p̄in̄o blero, gbē p̄ānden̄o bé wé ble, à kpata p̄in̄o gbāaa é ká à káakup̄o ūro.

⁵ S̄omεte kpa k̄ina éḡs̄ gbāa v̄i, m̄ode à z̄ik̄p̄εen̄o gbēnsi ke éḡs̄ gbāa v̄i deala. Eé kí ble à kpata éḡs̄ bíta.

⁶ Gur̄o plaa gbera ās̄é ledole ke. S̄omεte kpa k̄ina é a n̄én̄ok̄pare k̄p̄ās̄ā gu'igb̄aro k̄inaa ledolekena k̄s̄o s̄èeda ū, m̄ode n̄ogb̄ē p̄i éḡs̄ iko v̄i gwero, k̄ina p̄i k̄s̄n à néo é ḡi kero. Weé n̄ogb̄ē p̄i k̄s̄n gbē kè ās̄ m̄on̄o k̄s̄n à deo k̄s̄n à ïankario k̄p̄ám̄ma gur̄o beea.

7 Nɔgbē pì danε ke bé eé kí ble à de g̃εε ũ. Eé léε gu'igbāroo kpa kína z̃ìkpεεnɔa eé g̃ε à zeki gbāaan. Eé z̃ì kányo à gbāa mónne.

8 Eé n̄ tāano k̄ɔn n̄ dii kè āɔ kāsano sée wà táo Igipiti k̄ɔn n̄ pó bèedeε kè wà kè k̄ɔn vuraο k̄ɔn kondogiono. Eé gu'igbāroo kpa kína tón g̃ia guro plaa.

9 Gu'igbāro kpa kína pì é mó à léε sɔɔmete kpa kína pì bùsua se, mɔde eé εara à tá a bùsun.

10 À n̄n̄o é z̃ì soru ke āɔ z̃ìkpεεnɔ kak̄ɔa paripari. Āɔé da z̄én āɔ dagula lán swapanana bà. Āɔé z̃ì ká ai āɔ gá káo à zeki gbāaan.

11 Sɔɔmete kpa kína é f̄ε eé gá z̃ì ká k̄ɔn gu'igbāroo kpa kínaο k̄ɔn z̃ìkpεε kè à kàk̄ɔa paripariino eé z̃ì bleńma.

12 Tó à z̃ìkpεε p̄ino s̄εε à tànyo, eé a z̃inda sé lez̃i. Eé n̄ dede ḡɔn b̄oɔ kuri, mɔde eé e à z̃ì bleńma guro píngiro.

13 Gu'igbāro kpa kína é εara à z̃ìkpεεnɔ kak̄ɔa paripari de à káakupola. Tó à guroo kà, eé mó k̄ɔn a z̃ìkpεε parii p̄ino, baade k̄ɔn a ḡɔkeb̄oɔ.

14 Guro beεea gb̄ε paridee é f̄εε sɔɔmete kpa kínazi. N bori ḡɔ p̄as̄ino é f̄εzi w̄éegupu kè n̄ è yāpapana yānzi, mɔde āɔé m̄innaa kero.

15 Gu'igbāro kpa kína é mó à w̄éte b̄iide kagura ke eé sí. Sɔɔmete kpa z̃ìkpεεnɔ gbāaa é f̄ɔ à kpánero, baa āɔ z̃ìkpεε maaano. Āɔ gbāaa é f̄ɔro.

16 Kína kè mò à l̄εεa é ke lán à yezi nà, gb̄εke é f̄ɔ à kpánero. Eé ze bùsu maaan eéḡɔ à kaatena zé v̄i.

17 Eé zεο à mó k̄ɔn a bùsu ikoo píngi, mɔde eé l̄edole ke k̄ɔn sɔɔmete kpa kínaο. Eé a n̄n̄okpare

kpāsāa le à e à à kpata yaka yānzi. Yā pì é zé kero, eégō àre ke vīnero.

¹⁸ Eé gbasa à ae dō ísīaa sae būsunōa eé sí pari, ben zìkpεεnō gbēnsi ke é à wada mì de eé tó à wada wí à musu.

¹⁹ Eé εara à ae dō a be būsū zeki gbāaanōa sa, mōde eé gēn sí à léε, weé à e dōro.

²⁰ À gēε é be'ōsiri gbāamōnneri gbareímma le à a kíεgakui kaara yānzi, mōde gurō plaaa gbεra eé game, èe ke pōfē ke zì yānzinlo.

²¹ À gēε égō de gbē gina kè wèe à kpá kpatanloo ũ. Gurō kè gbēnō yāke danaro, eé mó à lénnaa kásañne à kpata sírīma.

²² Eé zìkpεεnō wíwi a ae dúgudugu, eé n kaate kōn kína kè à ledole kèoo.

²³ Ledolekenao gbεra eé bō à kpεε, à gbāaa é kaara, baa tó à gbēnōo pariro.

²⁴ Eé gē būsū auzikidee kè à gbēnō yāke danaroonōzi, eé yā kè a denō ke a dezino e fō wà kèroo ke. Eé n pónō sée eé n pókādeenō nakōa eé n auziki pìnō kpaatete a ibanōne. Eé à zaaa kpakōsō zeki gbāaanōzi, mōde eé gurō plaaa kero.

²⁵ Eé swè die à té ká a zīndan. Eé gē sōomete kpa kínazi kōn zìkpεεnō paripari. Sōomete kpa kína pì é zì káo kōn a zìkpεε parii kè aō gbāaa kè bítano, mōde eé n fōro, zaake weé lé kpakōsōzime.

²⁶ Gbē kè aōè pō bleonō é zìbōnkpεε kene. Weé pé à zìkpεεnōa wà n paridee dede.

²⁷ Kí gōon plaaa pìnō é vεε teebu dōnkōzi kōn nòsezaaao aō εγεε tokōne. Eé zé kero, zaake yā é mì de à gurōame.

28 Gu'igbāro kpa kína é da a bùsu zén kǝn auziki bítāo, mǝde eé yā zaaa kpakǝsǝ gbē kè Luda bà kúnýonǝzi. Eé yā lúíne gbasa à tá a bùsun.

29 Tó à gurǝǝ kà, eé ɛara à gē sǝǝmɛte kpa bùsuzi, mǝde kèkii égǝ de lán à káakupǝ bàro.

30 Ɔfǎntēgēkpendeenǝ é gíne kǝn góro'itenǝ. Eé na a sāsaa, eé ɛara à gá pǝfē pita gbē kè Luda bà kúnýonǝa. Eé ze kǝn gbē kè aǝ Luda bà kuunańyo yā gbòronǝ.

31 À zìkpɛɛnǝ é Luda kpé gbāsī lé aǝé saa kè wègǝ oo lán guu e dǝǝ nà mì de aǝé tēpǝ guyakari péen.

32 Eé gbē kè aǝ Luda bà kuunańyo yā gbòronǝ mì liɛ kǝn mǝnafikio, mǝde gbē kè aǝ n Luda dǝǝnǝ é ze gbāa aǝ gíne.

33 Aǝ gbē kè aǝ ǝndǝǝ vīinǝ é yā da gbēnǝne pari, mǝde gurǝ plaaa dagura weé n gbēkenǝ kwé kǝn fēdaao weé n gbēkenǝ kpáta weé n gbēkenǝ ká kpésiaan weé n pónǝ símma.

34 Tó aǝ lèe le, weé n ían ká féte, mǝnafikideenǝ é nańma pari.

35 Ɔndǝri pì kenǝ é kpágula, le Luda e à n baasa à n gbāsī worómma, le aǝ nǝse e à pura kǝ ai gurǝ lé gá ká, zaake gurǝǝ pì é ká lán Ludaa diɛ nàme.

Kína kè eé a zĩnda sé lezĩ

36 Kína ke bé eé ke lán à yezi nà eé a zĩnda sé lezĩ, eé bítakeɛ dǝ a zĩdane de tǝanǝla píngi eé dǝkena yā o Luda kè deńlaa musu. À yā égǝ gaame ai Luda pǝfēpitammagurǝǝ gá papao, zaake Luda é yā kè à zèo kɛme.

37 Kína pì é a dezinǝ tǝanǝ yā daro ke tǝa kè nǝgbēnǝ ègǝ yezi. Eé tǝa ke yā daro eé bítakeɛ dǝ a zĩdane deńla píngi.

³⁸ Eé zeki gbãaanɔ tãa kpe da a dii ũ aã gẽe ũ. Eé dii kè a dezinɔ dõroo pì kpe da kɔn vuraɔ kɔn kondogio kɔn gbè bèedeo kɔn pɔ auzikideenɔ.

³⁹ Eé yã lú zeki gbãa gbèntɛnɔne bori zìtɔnɔ tãa pì gãzĩ. Eé gbè kè aã à dõnɔ kpe da maamaa. Eé tó aã kí ble gbènɔa pari, eé bùsu kpàateteńne ní asaia ũ.

⁴⁰ Tó à gurɔ lé kà, sɔmɛte kpa kína é léea zìo, ben gu'igbāroo kpa kína é fɛzi lán zàga'ĩa bà kɔn sɔgoronɔ kɔn sɔdeenɔ kɔn góro'itenɔ paripari. Eé gẽ bùsunɔzi pari à dagula.

⁴¹ Eé gẽ bùsu maaazi dɔ. Bùsu paridee é léɛ, mɔde Edɔmunɔ kɔn Mɔabunɔ kɔn Amɔninɔ gbènsinɔ é bɔ.

⁴² À iko é bùsu pariinɔ le, Iyipiti é bɔro.

⁴³ Eé gbãaa ble Iyipiti auziki kè utenanɔa, vura kɔn kondogio kɔn pɔ bèedeo píngi. Libianɔ kɔn Etioipianɔ é mì sienɛ.

⁴⁴ Baaru kè eé bɔ ɔfántɛbɔe kpa kɔn gu'igbāroo kpaaɔ é tó swè kɛn, eé da zén kɔn pɔfɛ bítao gbè parideenɔ kaatena kɔn ní midenao yānzi.

⁴⁵ Eé a kíkɛ bisakutaa dɔ ísia kɔn Luda kpíi maaao dagura. Gwen eé gan, gbèke é à ãan káro.

12

Gurɔ zãa zĩ

¹ Gurɔ beea Mikaeli, malaika ìsi kè è ze kɔn n gbènɔ é fɛɛ. Gurɔ beee nawɛa égɔ bíta. Zaa boriinɔ naana gurɔ ai gurɔ beea à taka e ke zikiro. Gurɔ beea n gbè kè aã tó kú Luda takada guunɔ é bɔ.

² Gbè parii kè aãɔe ii oo tɔɔte guunɔ é vu. Aã gbèkenɔ égɔ wèndi kú eé yāroo vĩ, aã gbèkenɔ sɔ lalandi kɔn wí yānasaio.

³ Gbē kè aṣ ɔ̀ndɔ̀o vīno éḡṣ té kee lán musu póno bà. Gbē kè aṣè tó parii bo maaa pìno éḡṣ té kee lán soṣoneno bà.

⁴ Mpi sɔ̀ Danieli, ò yā pìno ká takadan ò koko ò à lé nakɔ̀a ai gurɔ̀o pì lé gá ká. Gbē parideeno éḡṣ gaa weéḡṣ suu le wà dōna kaara.

⁵ Mamoma Danieli ma guu gwà, ben ma ḡṣon plaaano è, gbē doo zena swaa baa kè kpa, gbē doo baa kãa kpa.

⁶ Aṣ gbē mèn doo bè gbē kè táaru bisa dana à zena swa'ilaane: Yābɔ̀nsae pìno é mì de boɾeme?

⁷ Gbē kè táaru bisa dana à zena swa'ilaai pì a ɔ̀plaa kɔ̀n a ɔ̀zeo sè musu, ben má mà à bè kɔ̀n Gurɔ̀pingide tó: Wè aagɔ̀ kɔ̀n a kusuome. Tó wà Luda gbēno gbāaa fì wà yāa, yā pìno gbasa wà mì de píngi.

⁸ Má mà, mode mée à bokɔ̀tena dōro, ben ma à là ma bè: Dii, yā pì gbè é bo diame?

⁹ À wèmala à bè: Danieli, ò gá! Yā pìno mì éḡṣ utename, weéḡṣ pó kúea ai gurɔ̀o lé gá ká.

¹⁰ Zī beeeaa gbēno gbāsī é kēm̄ma pari, aṣ nòse é pura kū lán wà ñ baasa bà, mode gbē zaaano é keke wàḡṣ zaa. Gbē zaa ke é yā pì dòro dōro, mode gbē kè aṣ ɔ̀ndɔ̀o vīno bé wé ma.

¹¹ Tó wà saa kè wè o lán guu e doo nà mì dè wà tēpo guyakari pēen, gurɔ̀o wàa swēedo kpé basiḡṣ akuri bé eéḡṣ kuu.

¹² Aubarikadeen gbē kè eé gurɔ̀o wàa swēedo kpé baswēeplaa soɔrosai dā à ká ũ.

¹³ Mpi sɔ̀, ò gá ai n gurɔ̀o léa. Né anduna tó gbasa ò fēe ò n baka le gurɔ̀o zāa zī.

Luda yá takada kǝn Bokobaru yǎo
The New Testament and portions of the Old Testament
in the Bokobaru language of Nigeria

copyright © 2005 SIM International

Language: Bokobaru

Translation by: SIM

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-09-22

PDF generated using Haiola and XeLaTeX on 18 Apr 2025 from source files dated 31 Aug 2023

c31548a1-5316-53c2-be42-674e0e4c5ae5